



### **Damonda da baghegiar**

Nr. 146/2023

Datum da publicaziun: 22-12-2023

Patrun: Brunschwiler Tobias e Meier Melanie, 9642 Ebnat-Kappel

Liug e parcelas: Rabius-Via Staziun; 245

Object: construcziun da dus novs parcadis e tschentar in carrussel

Il profils ein tschentar ed il plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 22-12-2023

*Cumissiun da baghegiar*

### **Annunzas da baghegiar**

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

**Nr. 144/2023**

Giger Emanuel, 7173 Surrein; adattaziun da terren sin parcella nr. 6455 a Surrein-Prau bi.

Sumvitg, 22-12-2023

*Cumissiun da baghegiar*

### **Orientaziun davart resultats dil process da strategia**

La primavera 2023 ha la suprastanza communal instrada la procedura per elaborar ina strategia communal. La basa per definir las finamiras e las mesiras ein stai il resultats dil workshop dils 26-08-2023 sco era il resultats dalla retschercha tier il secundindigens. Sonda, il 20 da schaner 2024 orientescha la suprastanza communal davart la strategia cun las mesiras che vegnan persequitadas. La suprastanza communal envida cordialmein all'orientaziun che ha liug allas 16.00 en casa da scola a Surrein. La suprastanza communal selegra sin stedia participaziun e sin bunas discussiuns.

Sumvitg, 22-12-2023

*Suprastanza communal*

### **REFERENDUM FACULTATIV**

La radunonza communal dils 14 da december 2023 ha priu denter auter il suadont conclus:

- *Tractaziun ed approvaziun dil credit brut da 270'000 francs per la planisaziun dalla sanaziun casa da scola Rabius*

Sura conclus ein sutaposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 11-01-2024. Il referendum sa buca vegnir retratgs.

Sumvitg, 22-12-2023

*Suprastanza communal*

## **Salids ed auguris per las fiastas da Nadal e Daniev**

La suprastonza communal giavischa a Vus, preziadas convischinas e prezias convischins, bialas e legreiblas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 22-12-2023

*Suprastonza communal*

## **Protocol dalla radunonza communal dils 14-12-2023**

Naven dils 22-12-2023 ei il protocol dalla radunonza communal dils 14-12-2023 exponius public en scaffa avon la canzlia communal e sin la pagina d'internet [www.sumvitg.ch](http://www.sumvitg.ch) duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi.

Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnauncas dil cantun Grischun vegnir inoltradas duront il temps d'exposiziun tier la suprastonza communal.

Sumvitg, 22-12-2023

*Administraziun communal*

## **Administraziun communal / Comunicaziun**

L'administraziun communal resta serrada sur las fiastas da Nadal e Daniev sco suonda:

- naven da venderdis, ils 22-12-2023, allas 17.00 uras, entochen mesjamna, ils 27-12-2023 allas 08.00 uras
- naven da venderdis, ils 29-12-2023 allas 17.00 uras, entochen mesjamna, ils 03-01-2024 allas 08.00 uras

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 22-12-2023

*Administraziun communal*

## **Calender d'occurrentzas**

La vischnaunca ei ludervi d'integrar in calender dallas occurrentzas che han liug en nossa vischnaunca sin la pagina d'internet. Ord quei motiv ein las uniuns vegnidas supplicadas d'indicar tut las occurrentzas gia enconuschentas per igl onn 2024. Proximamein vegnan quellas publicadas sin la pagina d'internet [www.sumvitg.ch](http://www.sumvitg.ch). Per tener actual il calender d'occurrentzas supplichein nus ils responsabels dallas uniuns d'annunziar tut las occurrentzas all'administraziun communal cura che talas vegnan fixadas.

Gia dapi 25 onns venda l'uniun da giuventetgna Sumvitg in cudischet d'occurrentzas. Per l'emprema gada cuntegn il cudischet buca mo las occurrentzas da Sumvitg e Cumpadials mobein dall'entira vischnaunca. Il cudischet sa vegnir retratgs per il prezi da frs. 5.-- en suandontas stizuns ed ustrias:

- Volg, Sumvitg
- Ustria Cruna, Sumvitg
- Ustria Greina, Rabius
- PRIMA, Surrein

Nus supplichein per enconuschientscha.

Sumvitg, 22-12-2023

*Administraziun communal*

## Uffeci civil Surselva

### Mortoris

**Albrecht Rosa**, naschida ils 13-04-1935, morta ils 04-12-2023, stada sesenta a Surrein.

**Candinas Maria**, naschida ils 10-06-1945, morta ils 05-12-2023, stada sesenta a Surrein.

**Bearth Mathilda**, naschida ils 17-03-1958, morta ils 10-12-2023, stada sesenta a Trun.

**Duff Trudi**, naschida ils 01-07-1928, morta ils 11-12-2023, stada sesenta a Cumpadials.

**Tgetgel Victoria**, naschida ils 02-03-1930, morta ils 18-12-2023, stada sesenta a Rabius.

Sumvitg, 22-12-2023

*Controlla da habitonts*

## Carta dil di da spargn vischnaunca

La carta dil di da spargn vischnaunca ei ina purschida contingentada ch'ins sa retrer tier la vischnaunca da Sumvitg. Ella vala per tut ils tschancuns dil sector d'applicaziun digl abonnament general (GA) il di tscharniu entochen las 05.00 dil di suandont. La carta dil di da spargn sa vegnir retratga tut tenor la disponibladad per la 1. ni per la 2. classa sco era cun ni senza mesa taxa. La carta dil di da spargn dalla vischnaunca ei disponibla mo en la prevendita: naven da 6 meins ordavon e tochen sil pli tard 1 di avon il viadi. La vendita vegn fatga senza excepziun al spurtegl dall'administraziun communal. La carta dil di da spargn dalla vischnaunca ei mo disponibla a moda persunalisada (negina transferibladad a tiarzas personas) e sa mo vegnir restituida en cass excepziunals. Ella sa buca vegnir duvrada per affons e per tgauns. Cun la purschida existenta dallas viafiers san lezs viagar pli bienmarcau. Las cartas dil di da spargn vischnaunca dat ei en dus differents scalems da prezi. Ils prezis ils pli favoreivels survegnis Vus entochen maximalmein 10 dis avon il di da viadi.

### Scalem da prezis 1 (da survegnir maximalmein entochen 10 dis avon il di da viadi)

2. classa cun mesa taxa: CHF 39.00

2. classa senza mesa taxa: CHF 52.00

1. classa cun mesa taxa: CHF 66.00

1. classa senza mesa taxa: CHF 88.00

### Scalem da prezis 2 (da survegnir maximalmein entochen 1 di avon il di da viadi)

2. classa cun mesa taxa: CHF 59.00

2. classa senza mesa taxa: CHF 88.00

1. classa cun mesa taxa: CHF 99.00

1. classa senza mesa taxa: CHF 148.00

La vendita entscheiva ils 11 da december 2023 ed igl εμπrem di da viadi pusseivel ei igl 1. da schaner 2024.

Sumvitg, 22-12-2023

*Administraziun communal Sumvitg*

## Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 22-12-2023

*Departament traffic*

## **Glisch dalla pasch 2023**

Arrivada dalla glisch dalla pasch: Venderdis, ils 22 da december allas 17.00 uras purtein nus la glisch dalla pasch en baselgia parochiala a Rabius. Quei en fuorma dad ina devoziun tgeua. La glisch resta en baselgia tochen suenter Nadal. Nus purschin aschia ad in e scadin da l'entira vischnaunca la pusseivladad da vegnir per la glisch e guder in mument da silenzi. L'uniun da dunnas Rabius giavischa a tut las famiglias ina biala fiasta da Nadal, ina buna ruschnada e tut bien pigl onn niev. *Uniun da dunnas Rabius*

## **Uniun da dunnas Rabius**

### **Finiastras d'advent 2023**

Ei fa grond plascher che 24 finiastras sclareschan uonn nies vitg duront il temps d'advent. In grond engraziament a tut las casadas che separticipeschan.

1. Berther Ramona ,Via Tschuppina 12
2. Lechmann Carin, Via Gir 3
3. Tuor Nicole, Via Gir 5
4. Lutz Gabriela, Via Sursilvana 9
5. Berther Rita, Via Sursilvana 9
6. Mini Consum, Via Sursilvana 48
7. Sgier Marietta, Via Surrein 12
8. Bearth Georgette e Carmen, Via Surrein 14
9. Cajacob Jasmine ,Via Sutvitg 9
10. Deplazes Iris, Via Surrein 5
11. Gadola Sara ,Via Staziun 5
12. Foppa Loredana, Via Staziun 3
13. Bearth Stefania, Via Cavivens 38
14. Deplazes Luzia, Via Cavivens 26
15. Walter Jaqueline e Lutz Silvio, Via Cavivens 24
16. Flepp Julia, Via Cavivens 7
17. Derungs Dorothea, Via Cavivens 15 (sur casa)
18. Deplazes Ursula e Pieder Degonda, Via Catat 29
19. Scola Rabius
20. Bearth Sandra, La Gassa 2
21. Hunter Sandra e Rensch Onna, Via Chistrisch 9
22. Fry Anna Maria, Via Caduff 6
23. Vogel Cornelia, Via Caduff 3
24. Flepp Sonja, Cumadé

Nossa usitada spassegiada fagein nus ils 29 da december 2023 e sentupein si Cumadé tier in pign pushegn. (Detagls suondan)

## **Biblioteca Trun**

Sur Nadal e Daniev resta la biblioteca serrada dils 23-12-2023 tochen ils 4-1-2024. Venderdis, ils 5-1-2023 allas 18.00 ei la biblioteca puspei aviarta. Sin bien seveser. il team dalla biblioteca